

Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Exegesis Euangelij Matthæ I.

[urn:nbn:de:hbz:466:1-47044](#)

DOMINICAE IIII. ADVENTVS.

55

Hoc consolationis interim, quod nihil damnationis audit esse ijs qui sunt in Rom. 8. Christo Iesu. Consolationem habet, sciens se haudquam posse inquinari ab his qua sentit, quantisper non consenserit: sciens quoque aliud esse sentire, aliud consentire, vrpote quorum prius est carnis seu sensualitatis, quod iudicio est rationis non subiectum: alterum rationis eiusque iudicio parens. Itaque huiusmodi homo dum putabat se inventurum quietem, inueniet adhuc prælia multa, sicut aliquando tamen, vt praua eius mutantur in directa propria gratiam Christi, qua in eo habitat: qua fit vt peccatum quidem sit ac sentiatur, non tamen regnet in eius mortali corpore, nec peccato Rom. 6. mente rationeque consentiat. Sed quando, inquis, erit vt praua eius fiant distracta? Quando sicut ut quod tortuosum fuerit & ineprum, fiat apicum & re- Etiam? Post multa profectio certamina, post agones multos multiplicemque conflictum hoc erit, vt ex præfentia Dei, eiusque gratia in te inundantius rorante, & inter prælia te regente ac protegente, aliquando ita vincas, quo aut pro rorsus prauitate hac careas, aut eam ligatam quasi carnem oblatram sentias, nullo negotio vincendum: puta quam citius contemnendo, quam pugnando tuus compescas. Vide igitur quam feliciter instituta sint Monasteria, in quibus exerceamur tanquam in palestris ad virtutes, & ad vita expugnanda. Nam si in seculo quis poenitentiam elegerit, aut iuxta Iota annis Baptiste consilium, fructus dignos voluerit poenitentiae agere, quot Matth. 3. mox sentier contrarios, quot aduersarios, qui dissuadeant hanc nouitatem haebit? Quot sentiet derisores? Quot audiet qui ad pristinam vitam, atque ad mores reprobos moliantur retrahere? Odiosa enim lippis oculis lux est. Vix tamen unum interea inueniet, qui adulatio abstinens illum ad id, quod coepit, strenue perseverandum admoneat.

At vero in monasterijs probè institutis secus est. Ibi enim sunt constituti Commodo qui excitent negligentes, informent ignorantes, tardiores vrgeant, arcent beant monachalè volentes, desiderant compellant ad poenitentiam & virtutes. Bona sunt fieri beatae hæc studia exercititia & charitate magistra ac instigante saluberrima, negligentes, ignorantes pigros atque aliquando recalcitrantes (iuxta Christi parabolam) compellere, vt consentiant intrare in regnum calorum. Nemo igitur doleat, quod in monasterio sit constitutus benè instituto gaudeat potius, quod licet illi ibi cum multis benè agere. Quod si infirmior est quam ut propterea gaudeat, hoc ideo est, quia nōdum aspera ei mutata sunt in vias planas. Sustineat igitur correctiones, admonitiones recipiat, faciat de necessitate virtutem, vt que agit priuato amore nondum mortificato inuitus, ex ratione qua se ad obedientiam compellit, eadem agar deuorus, vt quod alioqui non ei foret acceptum aut voluntarium propter Deum, tam sibi id faciat esse voluntarium, vt tandem conculturatis visijs, videat spiritu, sentiatque gustu salutare Dei, quod est benedictum in secula, Amen.

EXEGESIS EVANGELII IN VIGILIA:

Narrationis Christi. Matthei I.

PER omne tempus hoc, quo Dominici aduentus celebravimus memoriā charissimi, crebro sumus consolati ex prophetarum oraculis, quibus hoc tempore sacra est via Ecclesia. Nunciabatur enim nobis Esal. 14.

G. 4. prop̄

56 IOAN. LANS. CARTHVS. SERMONES,

propè esse tempus, ut Saluator noster Messias veniat. Item, citò nobis adiungaturam salutem. Unde mansimus, inter hæc promissa expectabundi. Porro, hoc die certa nobis constituitur dies, qua Dominum videbimus. Iam enim adè est propè nobis, ut nobis canetur: *Hodiè scietū quia venit Dominus, & manè videbitu gloriā eius.* Item: *Craftina erit vobis salus.* Qui iam Domini suspirans aduentum, non gaudeat? Quis non votis omnibus desiderijsque ferventissimis Deum præstoleretur, audiens, *Hodiè scietis, quia veniet Dominus?* Multo enim tempore olim fuerat promissus, diu expectatus, tandem dictum est præstolantibus propè esse ut veniat, & dies eius non elongandos. Nunc ad ultimum hunc diem expectatio hæc venit. Siquidem non iam dicunt propè esse, sed hodiè sciri, hoc est, manifestum fieri, quia veniet Dominus ad manè videndam gloriam eius. Hoc idem alijs verbis quoque nobis nunciat Ecclesia, dicens: *Craftina erit vobis salus, hoc est, non semper gemetis, non semper expectabitis, ultra non differetur desiderium vestrum, ad unum & hunc ultimum diem pertinet expectatio vestra.* Craftina erit vobis salus. *Quis filij non gaudet?* Quis ad deuotionem se non exerceat? Quis finum suum, quis brachia non expandat dilatetq; sua pro vehementi desiderio ad amplexus? Nam quanto amatuerit seruentius, quanto expectatur desiderantius, tanto maiori lætitia & exultatione auditur, quod hodiè sciemos, quia veniet Dominus. Quapropter filij si verè desideratis ut adueniat Christus, exultabis vel modo audientes, quia venit. Dulce profecto est & suave vobis nuncium: Dominus venit. Sed dicit fortasse quis: Semel venit Dominus. Olim incarnatus & natus est, non iterum nascetur. Credite filij corporaliter semel natus est, non iterum hoc modo nascetur, sed si vis, quotidie nascetur in corde tuo. Quidamque enim salutare aliquid concipis in animo tuo, quoties id obseruare proposito firmo decernis Deum in mente concepisti. Quoties præterea conceptum seu prop̄positum salutare in opus producis, toties ex te nascitur Christus. Iam cogitate filij, si omni id vobis tempore contingere potest, quanto magis cras obtinebitis, quo die melliflui sunt celi, & mirum foret, si quid iustum Dominus petenti negaret. Si igitur nihil potest negare, quod sit salutiferum quomodo negare posset seipsum? Petite igitur securi Dominum filij, petite importunè & seruenter, petite humiliiter simul ac violenter (Violentiam hic intellige, qua Christus rapiendum cœlum pronunciavit) quia certissime accipietis illum. Dabit seipsum vobis, & negare nimia eius bonitas non potest. Curate igitur, ut (quomodo Iesus dicit: *Qui sunt fratres mei, & que est mater mea?*) Et extendens manus in discipulos. *Quicunque, inquit, fecerit vobis stem Pater mei, hic meus frater, soror & mater est;* non tam in vobis nascatur Christus, quam etiam vos in eodem renascamini. Sed videamus nunc, quid hodiè loquatur nobis Euangelium.

Cum esset desponsata mater Iesu Maria Joseph, antequam conuenirent, inuenta est in utero habens de Spiritu sancto.

Multa in hoc occurunt Euangeli percutianda. Primum, cum virgo Dei mater (sicut constituerat) foret manufra virgo, cur fuit desponsata? Credo, ne partus calumniam pateretur. Putaretur autem Christus illegitus,

Esaia 52.

2. Par. c.

1. Reg. 11.

Esaia 14.

1. Reg. 11.

Esaia 30.

Christus vii
spiritualiter
concepitur
ac natalatur.

Matth. 17.

Matth. 12.

August.

EVANG. VIGIL. NATIVIT. CHRISTI.

mus, & propterea non immoritò repudiaretur, si ex non coniugata fuisset

⁷⁷
Desponsata
cur fuerit
mater Iesu.

natus.
Deinde maluit de suo ortu Iesus dubitari, quam de matris pudore. Error ille tolerabilior erat, matrem ex coniugio suspicari filium concepisse, quam ex fornicatione natum Iesum dicere. Quod certè dictum fuisset, si virgo Maria desponsata non fuisset. Maluit idcirco Dominus Iesus fabri filius credi, quam' extra matrimonium suam matrem esse fornicatam existimari. Neque enim probro erat virginis siue pueræ in coniugio parere, fuisset verò ei periculo extra matrimonium genuisse. Si enim extra matrimonium Maria peperisset, nōnne iuxta legem fuisset lapidata? Putas crederet quis eam sese virginem dicit? Puras crederetur pueræ parturienti, quod sine viro de Spiritu sancto puerum conceperisset? Qui non diceret hoc commento pueram scelus suum tegere velle? Desponsata igitur fuit Maria Christum partitura, quandoquidem tempus non erat illud prædicanda virginitatis Mariae, sed tempus erat magis famae eius contutandæ. Tertio, nostræ fuit in hoc consilium fidei. Roborauit enim fidem nostram, qua credimus Mariam peperisse virginem, vel ex mariti sui testimonio, qui procul dubio ad vindicandum esset motus suum opprobrium, nisi cognouisset sacramentum. Antequam igitur conuenirent, id est, vt coniugaliter cohabarent, &c. Veterum hoc habuit antiquitas, vt sponsi sponsæq; antequam matrimonium consummarent, aut simul, aut diuissim tempore aliquo intermedio orationi vacarent: & hoc potissimum fiebat in domibus eorum, quos erant habituræ maritos, ad quas sponsa ante tempus nuptiarum introducebantur, vt domus consuetudines, & sponsi discerent mores. Proinde ad sponsorum domos (vt dixi) quos erant habituræ maritos, pueræ ante nuptias introducebantur, quamvis ediuerso sponsi in domos interdum sacerorum, hoc est, ad sponsas fuerint introducti, quas erant habituri, quod de generis futuris Loth legimus, & Tobiae iunioris exemplo docti Gene. 11, sumus. Hoc modo fieri potuit, vt beata Maria, quæ conditionaliter Deo (si eidem ita placeret) virginitatem seruandam promiserat, cum Domini intellexisset voluntatem, vt despenderetur, consensit, committens se prouidentia diuinæ. Consensit enim (vt dici solet) explicitè, quo verum esset matrimonium, in copulam (quod diuinus Thomas fuisse explanat) quæ est Thomas Aquinas, vinculum animorum, non corporum. Implicitè verò consensit (si Deo ita placeret) in copulam carnalem. Quamvis enim vellet manere virgo, non tamen voluit non obediens Deo, docens nos in ijs quoque, quibus Dei honorem ac beneplacitum querimus, non debere nos propriæ sensus aut voluntaris, sed nostra studia exercitiasq; (que plerunque nobis ex priuato amo remeliora videntur) Deo & superiorum iudicio subiçere, & non nunquam relinquere, ubi ad alia nos diuina voluntas abducit. Nostra enim perfectio, nostra plenitudo, est diuinæ voluntatis impletio. Quicquid ergo diuinæ placere potius voluntati cognoscitur, hoc quibuscumque alijs bonis operibus est anteferendum. Ad institutum redeundo, Desponsata beata Maria, atque in domum Ioseph haud dubium adhuc virginis introducta, atque in oratione constituta, salutata est ab Angelo, concepitque Deum. Deinde licentia à Ioseph accepta putatur visitasse Elizabeth, cum qua tribus mensibus

H habi-

^{Perfectio ne-}
^{stra in quo}
^{consistat.}

Lucas 1.

habituuit, & fortasse tamdiu, donec Elizabeth infantem peperisset. Inde rediens, ab Ioseph inuenta est antequam coniugaliter conuenirent, in utero habens. Vterus namque eius virgineus intumescens, post tertium mensem ipsius conceptum palam prodebat. Quam paucis verbis Euangelista multas absolvit quæstiones. Ignoratur quomodo conceperit, sed inuenta est, inquit, in utero habens.

Ioseph autem cum esset vir iustus, & nollet eam traducere, voluit occultè dimittere eam.

Perpende quos cogitationum fluxus & refluxus, quos suspicionum quoque tumultus tunc cor viri iusti sustinuerit. Nihil mali, nihil non sancti in virgine offenderat, manifestam eius cognovit in omnibus moribus pudicitiam & sanctitatem, vterus tamen eius tumidus conceptum nunciabat. Quid ageret vir iustus? Si voluit quasi cum honesta habitare, atque quod factum putabat, dissimulare, suam conscientiam laedebat, quia Deum offenderet, quod alieni esset peccati particeps auctor. Porrò si eam iuxta legem Moysi accusaret, ipsum faceret lapidari: quod nimis ei videbatur crudele, quam licet uter eius reclamante, ream non poterat dicere, puellam tot ornata virtutibus sic traducere. Cogitabat igitur occultè relinquare eam, ne aut cohabitando eius peccato consentiret, aut quod de alieno viro conceperet, manifestare cogeretur: ideo clam voluit abscedere, quia palam nullam potuit allegare honestam, quare discederet, causam. Occulta autem (cum esset iustus) in præiudicium pueræ haudquam putabat reuelanda. Si queris, quare non interrogavit Mariam? responderet, adeò Mariam sanctam, in cuius faciem tam venustas, quam sanctitas elucebat, amabat, adeò venerabatur, ut non solum ei nullam legis animaduersionem voluerit procurare, verum etiam ne verbo quidem cam contristare voluit, ut diceret: Quare sic fecisti? Maria etiam beatissima cognoscens in spiritu sponsum suum sanctum Ioseph turbatum, timidum, anxium, variaque meditantem, quanta puritas compassionis fuit & ipsa turbata? Non enim suspicionem, ut à viro amouere tentarer, videbatur consultum: quandoquidem tantam rei nouitatem ut crederet vir, non videbatur verisimile. Putaret potius peccatum suum figmento hoc velle eam obumbrare, & nihilominus de tanta nouitate singularitatis gloriam querere. Tacuit igitur, & rem abscondit, committens se Deo, qui suæ ageret & famæ custodiam, & innocentie excusationem. Neque enim tantum audebat reuelare mystérium absque consilio Dei. Vi des quomodo sanctissimi & Deo dilectissimi in hoc mundo anxiantur, & propterea maximè, quando nesciunt quæ sit voluntas Dei beneplacens & perfecta. Itaque Ioseph cogitans quomodo Mariam occultè dimitteret, dum inter ambigua fluctuarer, hoc, ut tuius aliquid, quod vicinus erat ad misericordiam, pura clam ab ea discedere, elegit.

Hæc autem eo cogitante, ecce Angelus Domini in somnis apparuit ei dicens: Ioseph fili Dauid, noli timere, accipere Mariam coniugem tuam.

Hoc est, noli hoc cogitare, própter quod times retinere Mariam coniugem tuam: neque enim ex aliquo, ut suspicaris, concepit viro.

Quod.

Quod enim in ea natum est, de Spiritu sancto est. Pariet autem filium, & vocabis nomen eius Iesum. Ipse enim saluum faciet populum suum à peccatis eorum.

Quod enim in ea natum est, non ab extra accepit, sed de Spiritu sancto est. Pariet autem filium, & vocabis nomen eius Iesum. Et ne fortasse, quare hoc sit vocandus nomine, mireris, audi: Ipse saluum faciet populum suum à peccatis eorum. A saluando enim nominandus erat Saluator sive salutaris. Vide quia Mariam ante conceptionem præmonuit Angelus, eiisque mysteriorum hoc reuelauit. Neque enim expediebat, quod futurum erat, quodquicunque expertura in se erat, ante non informari, ne nimium turbaretur, nescia quid sibi contingere. Ioseph vero non fuerat præmonitus, sed ubi factum erat, reuelauit ei Angelus. Nam si fuisset præmonitus, potuisset hæsitare de magnitudine huius nouitatis, sicut Zacharias. Difficilius enim erat & mirabilius concipere virginem, quam concipere sterilem, quamobrem erat & credi difficilius. Vbi igitur vteri tumor conceptum probabat, & vltro iam optaret in hac ambiguitate confilio iuuari, tempus erat ut et mysterium hoc reuelaretur, quia tunc magis erat ad credendum idoneus. Aedificat itaque vos fides Ioseph, qui Angelo in somnis creditis sibi loquenti. Vide praeterea quantum honorauit Ioseph Spiritus sanctus, quia cum dixisset Angelus. Pariet filium (non vtique tibi, quia tuus non est filius, sed pariet filium in salutem vniuerso mundo) adiecit: Et vocabis nomen eius Iesum. Nomen quidem hoc è celo delatum, tu primus impones. Quamuis enim in generatione hac nihil tibi sit commune, facies tamen Patris officium: cuius est nomen filio dare. Hoc autem dabis, quod Pater ei cælestis imponitum calirus tibi & per te prænunciat imponendum. Ipse enim saluum faciet populum suum à peccatis eorum. Ipse, inquit, iuxta sui nominis congruitatem (Iesus enim Saluator dicitur) saluum faciet populum suum à peccatis eorum. Vide hic etiam quam loquatur de infante nascituro magnifice. Saluum, inquit, faciet populum suum, putat tam Gentilem, quam Iudaicum: vterque enim est modo populus eius, precioso sanguine eius emptus. Saluum autem humc faciet à peccatis eorum. Hic diuinitatem indicat. Quis enim potest peccata dimittere, nisi solus Deus? Confirmat autem hæc omnia tandem (ne tam admirabilis videretur nouitas) per prophetiam Esaiae, qua iamdudum id ipsum futurum prophetatum erat: Ecce virgo concipiet, & pariet filium, & vocabitur nomen eius Emanuel: quod est interpretatum, nobiscum Deus.

Charissimi filii discatis hic, ut quando in ambiguitate aliqua estis anxi; incerti quid sit eligendum, firmatis cor vestrum in charitate, qua nihil velitis, nullique affectui consentiatis, nisi ei, quem videritis beneplacito diuino conformem. Porro, si id inuenieritis, quod altero est melius, non dubium est illi esse consentiendum, atque viliori, quod sanctius est, præferendum. Si inuenire non potestis, in animo id eligere sit vobis certum arque statutum, id amplecti, quod magis à Deo probari creditis. Inter haec oratio vestra sit ad Deum pro illuminatione mentis vestrae, & pro directione voluntatis in id, quod suo sit honori maximè acceptum. Nunquam enim illu-

H 2 mina-

In ambigui-
tate f. cien-
tum quid.

Marc. 2.
Lucas 5.

Esaia 7.

minare Deus hominem definit. Aut enim per hominem informat, aut per scripturam instruit, aut docet per inspirationem. Quod si tanta foret obscuritas, tantaque rei difficultas, ut nihil horum ad hominis sufficeret instructionem, potius in somno, aut aliter hominem certiorum facheret, quam in dubio sineret perire. Non est tamen expectandum miraculum, aut revelatione superna, quam diu ad manum est consilium aut humanum, aut modo naturali humano ingenio, aut certè Dei alia prouidentia preparatum. Dominus noster Iesus Christus suam det nobis benedictionem & gratiam semperitnam, Amen.

IN EPISTOLAS ET EVANGELIA

Paraphrases & Exegetes, vna cum suis Sermonibus Natiuitatis Domini, sequentiumque solennitatum in altero

Tomo de Sanctis in vtraq;
parte offendes..

DOMINICA I. POST DOMINI NATIVITATI,
Epistola B. Pauli Apostoli, ad Galatas IV.

 Vanto tempore hares parvulus est, nihil differt à seruo cum sit Dominus omnium: sed sub tutoribus & actoribus est usque ad primitum tempus à Patre. Ita & nos, cum essemus parvuli, sub elemenis mundi eramus seruientes. At ubi venit plenitudo temporis, misit Deus Filium suum factum ex muliere, factum sub lege, ut eos qui sub lege erant, redimeret: ut adoptionem filiorum recuperemus. Quoniam autem estis filii Dei, misit Deus spiritum filii sui in corda vestra clamantem: Abba Pater. Itaque iam non est seruus, sed filius: quod si filius, & hares per Deum..

PARAPHRASIS IN EANDEM EPISTOLAM.

Gal. 3.

Ante hæc verba dixerat Paulus legem Iudeis fuisse pædagogum, sub quo regerentur, donec Christus veniret: in quem qui crederent, sub eodem non iam sicut sub pædagogo viuerent, sed liberati à lege, filii per Christum fierent adoptionis & honorum Dei hæredes. Quo offendere voluit post Christi manifestationem, nostra redemptione iam impleta & mundo vulgata, nos lege vetere (quantum attinet ad ceremonialia præcepta) esse absolutos & liberatos. Ad quod probandum hac virtutur similitudine: Puer qui sibi est patri hæres futurus, quanto tempore & aetate & scientia parvulus est, nihil differt à seruo: non quidem est seruus, sed à seruo nihil differt, quia nullam habet potestatem, regitur alieno imperio, & alterius cogi-